



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 2. Parisini Parlamenti decretum contra Canonisationis Bullam.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

Sæc. XVII.
A.C. 1738.

§. II.

Parisi Parliamenti decretum contra hanc Bullam.

Attamen omnibus hisce cavillis & calumniis adhuc deerat publicæ auctoritatis pondus: rejiciebantur enim a sanioribus tanquam famosi libelli, mordaces rapsodiæ, & Janseniani furoris excrementa: Ut vero, quod privatus adhuc ausus nefasque erat, jam publicum, fasque diceretur, quodque paucorum libido erat, Magistratus lex fieret, & impudentiæ simul auctoritas approbantis, jubentisque accederet, Jansenistæ nil intentatum, inausumque reliquerunt, ut ex Parliamenti Senatoribus quosdam sibi demerentnr, veteres suæ petulantia socios: Nec ex his defuere, qui ad omnes auctoritatis Pontificiæ opprimendæ occasiones intenti altum inclamarent, palam rursus Ecclesiæ Gallicanæ libertates, & Regni jura per Canonisationis Bullam labefactari &c. Applausit illis Gilbertus de Voifins Procurator Generalis & Jansenianæ factionis oraculum: Hic ergo in publico Senatu adversus hanc Bullam declamat, ac postulat I. ut hæc Constitutio Pontificia supprimeretur. II. Ut plura Parliamenti edicta

A 4 an-

Sæc. XVIII. antehac promulgata innoventur, qui-
A.C. 1738. bus vetitum, ne quis ullam in Francia
 Bullam, nisi Regiis literis ad Parla-
 menti acta relatis munita esset, publi-
 care vel exequi præsumat: Nunc vero
 prosequatur Procurator, in vulgus
 spargitur quoddam scriptum, quo annuntia-
 tur Canonisatio cujusdam sancti, cujus
 memoria vel inde huic Regno vene-
 randa est, quia in Francia ortus fuit,
 vitamque suam ibi transegit. . . . Atta-
 men quo majus de publico ejus honore læ-
 tandi argumentum Gallis obtingit, eo ma-
 gis inexpectatum eis est, quod Regni jura
 violandi occasio per latus hujus Beatificatio-
 nis quaeratur. Enim vero æquissimum erat,
 præter præclaras hujus sancti virtutes fusius
 relatas etiam mentionem ingerere Zeli il-
 lius, quo pro Religione & Ecclesia flagra-
 bat, non minus tamen decuisset hæc omnia
 nullatenus ad genium Ultramontanarum opi-
 nionum enarrare, hacque ratione in Galliis
 pupillam oculi lædere. Hæc tamen lucu-
 lentius quam par fuisset, in hac Bulla de-
 prehendantur; quippe circa hanc materiam
 ejusmodi adhibentur verba & phrasæ, quæ
 sat aperte manifestant spiritum eorum, qui
 Romane Curie immodico studio addicti
 sunt, & in rebus Ecclesiasticis præcipue
 propugnant doctrinam, qua eidem attribui-
 tur potestatis plenitudo, cæcamque obedien-
 tiam Pontificum decretis, quamprimum ema-
 nasse

nasse noscuntur, præstari exigunt, quini-
mo ita impotenter urgent, ut pro illorum
executione severissimas quasque pœnas in re-
fractarios per laicos Judices nunquam sat
cito infligi posse existiment. Mea igitur
est opinio, nil magis necessarium esse, quam
ut ad præcavenda damna, & mala ex
ejusmodi ausibus oritura opportunum oppo-
natur remedium: ac præcipue, ut Parla-
mentum insuper præcipiat, in effectum de-
duci ea decreta, quæ in diversis occasionibus
contra varia Romanæ Curiaë attentata san-
civit. Hæc Procuratoris petitio secun-
dis auribus excipiebatur, moxque Par-
lamentum die quarta Januarii hujus
anni edictum promulgari jussit, vi cu-
jus hæc Pontificis Bulla suppressa fuit,
inhibitumque, ne ejus exempla typis
edantur, vendantur, vel divulgentur.
Insuper etiam præceptum, ut Parla-
menti edicta Anno 1647. die decima
quinta Maij, Anno 1703. die nona
Maij, Anno 1716. die decima sexta
Decembris, Anno 1718. die tertia Octo-
bris, Anno 1719. die decima sexta Ja-
nuarii, & Anno 1731. die vigesima
octava Septembris edita ad unguem
executioni mandentur.

Sæc. XVIII.
A. C. 1738.